

太上洞玄靈寶天地運度自然妙經

道言 太上靈寶 先天地而生 然後有天地 數起於一 立於三 成於五 盛於七 極於九 故天去地九萬里 積陽氣 道陰形列布 崑崙 為地柱 氣上通崑崙者 地之中地 崑崙直東一億萬六千五百里 崑崙直西一億萬六千五百里 崑崙直南一億萬六千五百里 崑崙直北一億萬六千七百五十里 地周遊四匝 四億二萬六千二百五十里焉

道言 夫日月徑上千里 周三千里 運行八十一域 更迭朦朦冥冥 北斗九星 二星陰不見 相去九萬里 以沈潤八十一州 八百一十域 北斗當崑崙上 抱崑崙 氣運注天下 春夏為零露 秋冬為霜雪 人與天地同也 天地八方之外 萬物受性 皆懷憂苦 常傷人民 含血蠕動 不得自在 與天地爭命 皆當歸死 骸骨消入於地 精神飛翔 輾轉五道 為善上天 為惡入淵 凡人生時所為善惡 精神魂魄隨其罪福 唯學道求生 達運度極 致可以長存 復陽九之運 道言 人生涉胞胎 當經十月日 死如大風 卒起無期 死至無時

太上洞玄靈寶天地運度自然妙經

涵愜觀栗颯

當與心爭 為善勿疑 故以經道勸勵學士 目所不見 耳所不聞 瑤琦珍物 亦何益於身 諸為道者 當信經誠 守善以死 不犯惡而生 道不可失 德不可違 違道失德 如兒生無母 如魚脫淵 若志學 輪轉死生 如蠶在繭中 混沌沌 故一旦變形易數 道成於微 長齋誦經 為德之根 自然玄解運度 足于神方之外 得禮太上玉京之尊 乃作頌曰

我唯年衰時 百病皆當經 冰消而火起 災衝解其形 百骸生分離 大劫要當傾 吾故畏是痛 求道願長生 去此塵中累 會彼至寂貞 高行期大乘 自然學道成 輪轉無上德 忘我故不名 靜惠度八難 逍遙竟何營 道言 夫生 惟人為貴 既有其生 宜獎而成之 而貪財恡惜 不肯施散 奉事師寶以求昇度 孰自思惟 今身非我身所有 財寶亦非我有 官爵俸祿 為身重累 將何益於己身 老病死者皆不能為我卻之 不能自拔為道 厚自文飾 謂生已足 譬如陸鳥愛其尾 終為射夫之所得 為學者當勤心上契 知是皆不隨人魂神去 空為困苦 當思拔度之根 絕三惡之道 令入三善道 一者不老 二者

不病 三者不死 長生度世去厄會 遇運得太上之寶 乃作頌曰
自念老病盡 三界之大患 福訖命將終 氣絕入棺槨
冥冥成灰土 魂魄無暫安 吾故畏是故 學道無天殘
攝意存正真 淑心諒可觀 孰成三寶囿 自能伏魔官
故我損身施 志超生死岸 混然既無待 永保億齡歡
道言 夫修長生 志在昇度 求無為之道 身超於塵垢 絕跡于群
方者 當先知天地運度大期之數 陽九百六之災 去厄即安之 宜
如其不爾 雖自求道終年 而希昇騰 將復費其功 夫卒為徒勞也
今開示爾劫運之期 盈縮之分 保躬求生 以招長命 豈但在一
軀而已哉 亦將七祖反胎也 仙公曰 夫學道精研 能明運度陽九
百六之會 亦必得度世無危傾也 要在長齋久思 遠去人事 想累
兼忘 然後可期肉飛之舉 如其一毫不盡 不可謂永 求太極真人
誦法言十首

赤書土出治 金玉復為夫 青龍甲申會 奄至誰能知
雖著天水文 寶候王子期 辰中色當變 先時覩胡兒
崑元最其充 積石次不治 蕭蕭上學士 後天奉天時

太上洞玄靈寶天地運度自然妙經

涵愜觀栗颯

福非一朝過 七葉積善基 太平契孟津 樂哉何熙怡
玄運金馬末 古月侵神州 陸上既無子 兄弟亦迭遊
河洛子空盡 燕趙成洪流 荊陽柳其次 已刻中嶽符
芒子盡十載 東海桑中遊 宜先入福地 八石以鍊軀
柳城即生地 伏龍不為悠 玉笥近世間 桐柏甚易求
丁亥不云遠 八公同會俱 玄生浮紫雲 誨以九靈子
令未負災充 雷電不可止 出在申酉歲 彌漫留十紀
至于水龍時 仙君乃方起 弓口十八子 高吟相營理
百官森列序 穆穆皆首士 勤心慕松喬 劫盡已度己
平日解帶遊 寸毫寫衿裏 下愚不見事 賢者披神方
方平記大鳥 當來東南翔 雲霧皆變化 魚鱉遊汪洋
郊境沒夏首 太白失度常 壬午之南嶽 即陰以為陽
一時淪東海 無復起子商 識緯金馬末 反白相中傷
揚州可度世 時誦生神章 賊彊日凶大 九重雖衣裳
張氏著鵠鳴 識緯金馬末 反白相中傷 婁衿不解帶
官兵悉竄走 賊彊日凶大 九重雖衣裳 宮墻時了壞

荊棘當庭生 王侯沒虜賊 妻婦亡異域 使役無時泰
銜賣諒可哀 千載豈復會 末若早學道 宅志霄霧際
修學諸祭酒 治法當令勤 不謹百八十 至時如火煎
近在金氏世 念此當可言 兵刀四衝至 一日不可延
然後洪災會 浩哉與天連 行尸無所覩 聖人知信然
先學悟玄京 方寸會名山 斂衽之勝地 至道固靈祖
平都述翰墨 福地諒可往 庚辰羌胡動 壬午有奇賞
先當之福鄉 高詠以自養 萬里望無煙 壬辰未消殃
既平仙君治 八方息羅網 如吾玉斧惠 永謝塵中壤
華祿豈足貪 於茲絕冥想 甌山可遊處 九夷拂輕塵
孔生遺明藏 木封若有因 泉涌不繼本 卯金無傷人
陋廬守空寂 玄默湛冥綠 今世傷爾身 鹿堂信可貴
刀曲不覺痛 今世傷爾身 鹿堂信可貴 和民至壬辰
太和山可詣 鴈門其明真 吳地偏多仙 荆湘最困貧
十八既出治 子來合明真 爾乃知苦辛 聖帝既出治
柳谷安可親 三倍放勳世

太上洞玄靈寶天地運度自然妙經

涵愜觀栗颯

期在壬辰始 明星煥水母 申後留十紀 大鳥東南聚
生血城門裏 群鼠綠高木 眾多不可止 女子入宮府
雲龍無比擬 愚者謂不然 賢者自方峙
道言 靈寶自然運度 有大陽九 大百六 小陽九 小百六 三千
三百年為小陽九 小百六 九千九百年為大陽九 大百六 天厄謂
之陽九 地虧謂之百六 至金氏之後甲申之歲 是天地運度否泰所
經 陽九將會 至時道德方明 凶醜頓除 聖君受任於壬辰之年也
此太極真人法言十篇 神趣妙暢 微旨朗空 期運之數 去就之
要 可謂詳矣 可謂盡矣
道言 若能常誦冥韻 則得度洪災於陽九 受位任於丁亥 約當
先長齋靜詠 默絕囂累 然後求釋解之微旨 發清音於脣吻 則七
祖反胎 己身長存 經運周而無害 受仙而登焉 妙哉微矣 非言
所宣 子若遇之 則得上遊玉京 為聖帝牧民理治
道言 傳受之科 如吾稱舊典 清齋二十四日 別齋上金五兩 丹
地錦百尺 以為盟誓 受者奉而行之 若不依科而妄傳 則風刀考
罰矣 受者辛勤詳慎之哉

太上靈寶天地運度自然妙經竟

天運辛卯年酉月正一天師清微弟子洪鼎堅羅大英恭錄彙編

鞠昕延複校

太上洞玄靈寶天地運度自然妙經

涵愜觀栗颯